

# I g'här do hie

*Text & Musik: Guido Vincent von Weber*

1. Im Rukk'n die Oipm und i g'spier an Wind,  
und i woäß, dass i do dahoam bin.  
Und vor mir da See, in dem bin i g'schwomma ois Kind.  
Und i gspier, i g'här do hie.

2. Hob nix gega Hamburg und nix gega Berlin,  
doch weg dad i niamois ned ziaig'n.  
Do bin i glückli und nix auf da Wäit  
hot wos, des mi länga häit.

Ref. I brauch meine Oipm und i brauch aa mei See.  
Brauch an weiß-blauen Himmi, ja mei, is des schee!  
I brauch Oima im Summa und im Winta an Schnää.  
Do gib't's für mi g'wies nix scheenas, ois wenn i auf Schiern stäh  
in luftiger Häh.

3. Im Dirndl zur Hochzeit, a jeda Bua richt' si her.  
Si do zu verliabm foit ned schwer.  
Vor da Kirch'n a Kutsch'n. Es steig'n Daubm auf,  
trag'n ihr Weiß in an blau'n Himmi nauf.

4. Hob nix gega Hamburg und nix gega Berlin,  
doch do g'här i hoit hie.  
Do bin i glückli, do fühl i mi frei.  
I g'här do hie, do bleib i dabei.

Ref. I brauch meine Oipm und i brauch aa mei See.  
Brauch an weiß-blauen Himmi, ja mei, is des schee!  
I brauch Oima im Summa und im Winta an Schnää.  
Do gib't's für mi g'wies nix scheenas, ois wenn i auf Schiern stäh  
in luftiger Häh.

I g'här do hie.

© Guido Vincent von Weber. Alle Rechte vorbehalten

GEMA-Werksnummer: 11183534-001

[www.guidoweber.com](http://www.guidoweber.com)